



Uunga:

Sofia Geisler
Inatsisartunut ilaasortaq

§ 37 naapertorlugu apeqqummut nr. 15 / 2020-meersumut akissuteqaat

Inatsisartut suleriaasianni § 37, imm. 1 naapertorlugu apeqqut Inatsisartuni ilaasortamit Sofia Geisler-imit apeqqutigineqartoq Naalakkersuisunit ulloq 28. januar 2020 tiguneqarpoq.

Akissutit apeqqutigineqartut kingornatungaanniipput.

12-02-2020
Suliap nr. 2020 - 2710
All. nr. 12933360

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

1. Namminersorlutik Oqartussat pisortatigoortumik nittartagaanniitooq tusarniaanernik saqqummiisarfik høringsportali Inatsisartut aalajangigaat toqqammavigalugu pilersinneqarsimanersoq Naalakkersuisut uppersarsinnaavaat? (UPA 2007/56),

a. Aammalu Inatsisartut aalajangigaat taanna toqqammavigalugu Naalakkersuisut peqquneqarsimasut inatsisissatut, nalunaarutissatut il.il. siunnersuutit høringsportalikkut tusarniaassutigineqarneranni aamma ikkunneqartassasut tusarniaanermi akissutit tiguneqarsimasut?

2. "Inatsisitigut najoqqutassanik, Kunngip peqqussutaanik, nassuiaatinik il.il. Namminersorlutik Oqartussani avataanullu tusarniaanermut najoqqutassat" august 2018-imeersuni maleruagassat naapertorlugit tusarniaanermi akissutit tiguneqartut tiguneqarniariartut høringsportalimut ilineqartassapput, kingusinnerpaamik ikkunneqartassallutik tusarniaanerup naammassineraniit ulloq suliffik siulleq. Najoqqutassat taakku sulit atuuppat?

3. Tusarniaanermi akissutit nittartakkakkut ikkunneqarlutik tamanit atuarneqarsinnaasunnegortinneqartarnissaat qulakkeerniarlugu Naalakkersuisut Siulittaasuata Naalakkersuisoqarfinnut ataasiakkaanut piunasaqalersaarpa?

Akissut:

Naalakkersuisut Siulittaasuata aallarniutigalugu Inatsisartunut ilaasortaq Sofie Geisler apeqqutinut qutsavigissavaa.

Naalakkersuisut Siulittaasuannit uppersarsarneqarpoq, Namminersorlutik www.naalakkersuisut.gl tusarniaanermut pisortatigoortumik nittartagaat Inatsisartut UPA 2007/56-imi aalajangiinerat toqqammavigalugu pilersinneqarnikuusoq.

Naalakkersuisut Siulittaasuannit uppersarsarneqarpoq, tusarniaanermut akissutit tamarmik tiguneqartut www.naalakkersuisut.gl pisortatigoortumik tusarniaanermut nittartakkamut ikkunneqartassasut, aamma kingusinnerpaamik tusarniaanerup naammassineraniit ulloq suliffik siulleq ikkunneqartassasut.. Taamaattorli Pisortat

ingerlatsinerat pillugu Inatsisartut inatsisaannik nr. 9, 13. juni 1994-imeersumik toqqammavillit (Paasitinneqarsinnaatitaaneq pillugu inatsit) pinnagit, aamma takujuk "Inatsisitigut najoqqutassanik, Kunngip peqqussutaanik, nassuiaatinik il.il. Namminersorlutik Oqartussani avataanullu tusarniaanermut najoqqutassat."

Aammattaaq oqaatigineqassaaq, tusarniaanermut akissutininik pisortatigoortumik tusarniaanermut nittartakkakut saqqummiisarneq pillugu piunasaqaat taamaallaat inatsisissatut aamma nalunaarutissatut siunnersuutininut tunngassuteqarmat, imaluunniit immikkut inatsisiliortoqarsimatillugu. Tusarniaanernit akissutit pineqartut tiguneqarnerminni ilusaat allanngortinnagit tusarniaanermut nittartakkamut ikkunneqartarput. Iliuusissatut pilersaarutininik, periusissianik, nassuiaatinik assigisaanillu tusarniaanerit tusarniaanermut nittartakkamut ikkunneqarneq ajorput. Tamakku Naalackersuisoqarfinni akisussaasunit nalilersorneqareernerisa kingorna naalackersuisoqarfiit akisussaasut nittartagaanut ikkunneqartarput.

Tamanna pillugu Siulittaasup Naalackersuisoqarfia eqqaasitsissummik naalackersuisoqarfinnut tamanut nassiusseqqinnikuuvoq, tassani tusarniaanermut akissutitit tiguneqartuninik pisortatigoortumik tusarniaanermut nittartakkakut saqqummiisarnissamut pisussaaffeqarneq erseqqissaatigineqarpoq.

Med venlig hilsen
Inussiarnersumik inuulluaqqusillunga



Kim Kielsen